



**Cyfoeth
Naturiol**
Cymru
**Natural
Resources**
Wales

Ymgynghoriad Rheolau Safonol Rhif 12 Cynlluniau Atal Tân

Rheolau Safonol ar gyfer y Rheoliadau Trwyddedu Amgylcheddol

Hydref 2014

Cyhoeddwyd gan:
Cyfoeth Naturiol Cymru
Tŷ Cambria
29 Heol Casnewydd
Caerdydd
CF24 0TP

0300 065 3000 (Llun – Gwener, 8am –
6pm)

enquiries@naturalresourceswales.gov.uk
www.cyfoethnaturiol.cymru

© Cyfoeth Naturiol Cymru

Cedwir pob hawl. Cewch atgynhychu'r
ddogfen hon trwy ganiatâd o flaen llaw gan
Cyfoeth Naturiol Cymru

Ymgynghoriad Rheolau Safonol Rhif 12

Crynodeb

Mae Rheoliadau Trwyddedu Amgylcheddol (Cymru a Lloegr) 2010 yn ein galluogi i gynnig trwyddedau safonol, er mwyn lleihau'r baich gweinyddol ar fusnes wrth gynnal safonau amgylcheddol. Maent wedi'u seilio ar setiau o reolau safonol y gallwn eu gweithredu ledled Cymru a Lloegr. Mae'r rheolau yn cael eu datblygu gan ddefnyddio asesiadau o'r risg amgylcheddol sy'n deillio o'r gweithgaredd.

Mae'r rheolau yn cymryd cryn dipyn o amser, adnoddau a gwaith ymgynghori i'w datblygu, ond ar ôl iddynt gael eu gosod ar waith, maent yn gwneud y gwaith gweithredu'r ceisiadau a phenderfynu arnynt yn gymharol hawdd. Y rheswm dros hyn yw oherwydd nad oes angen asesiad risg penodol i'r safle.

Dyma'r deuddegfed ymgynghoriad ar setiau o reolau safonol. Ceir ymgynghoriad ar newidiadau i'r trwyddedau presennol canlynol (ar gyfer yr holl safleoedd sy'n storio neu'n trin gwastraff llosgadwy) gan ein bod yn bwriadu ychwanegu amod sy'n gofyn i weithredwyr roi cynllun atal tân ar waith. Er mwyn helpu gweithredwyr i ddeall eu rhwymedigaethau, rydym wedi gweithio gyda'r tri gwasanaeth tân yng Nghymru i gynhyrchu dogfen canllawiau.

Rydym yn bwriadu adolygu cyfanswm o 20 set o reolau.

Hoffem dderbyn eich barn ar y newidiadau arfaethedig canlynol i un neu fwy o'r setiau o reolau presennol a setiau o reolau newydd:

Setiau o reolau presennol:

SR2008 Rhif 1 75kte: gorsaf trosglwyddo gwastraff domestig, masnachol a diwydiannol

SR2008 Rhif 2: gorsaf trosglwyddo gwastraff domestig, masnachol a diwydiannol (dim adeilad)

SR2008 Rhif 3 75kte: gorsaf trosglwyddo gwastraff domestig, masnachol a diwydiannol gyda thriniaeth

SR2008 Rhif 4: gorsaf trosglwyddo gwastraff domestig, masnachol a diwydiannol gyda thriniaeth (dim adeilad)

SR2008 Rhif 5 75kte: gorsaf trosglwyddo gwastraff domestig, masnachol a diwydiannol a storfa asbestos

SR2008 Rhif 6: gorsaf trosglwyddo gwastraff domestig, masnachol a diwydiannol gyda storfa asbestos (dim adeilad)

SR2008 Rhif 7 75kte: gorsaf trosglwyddo gwastraff domestig, masnachol a diwydiannol gyda storfa asbestos

SR2008 Rhif 8: gorsaf trosglwyddo gwastraff domestig, masnachol a diwydiannol gyda thriniaeth a storfa asbestos (dim adeilad)

SR2008 Rhif 12: Safle amwynder ar gyfer gwastraff domestig nad yw'n beryglus

SR2008 Rhif 13: Safleoedd amwynder ar gyfer gwastraff peryglus a gwastraff nad yw'n beryglus

SR2008 Rhif 14: Cyfleuster Ailgylchu Deunyddiau

SR2008 Rhif 15: Cyfleuster Ailgylchu Deunyddiau

SR2008 Rhif 18 75kte: cyfleuster triniaeth mecanyddol a biolegol (aerobig) ar gyfer deunyddiau nad ydynt yn beryglus

SR2008 Rhif 20 75kte: cyfleuster storio cerbydau, dadlygru a datgymalu (triniaeth awdurdodedig)

SR2008 Rhif 21 75kte: safle ailgylchu metel

SR2008 Rhif 23 75kte: Cyfleuster trin Cyfarpar Trydanol a Gwastraff Electronig (WEEE) awdurdodedig nad ydynt yn cynnwys sylweddau sy'n darwagio'r haen osôn

SR2011 Rhif 2: safle ailgylchu metel

SR2011 Rhif 3: cyfleuster storio cerbydau, dadlygru a datgymalu (triniaeth awdurdodedig)

SR2011 Rhif 4: cyfleuster ailgylchu metel, storio cerbydau, dadlygru a datgymalu

SR2011 Rhif 14 75kte: safle amwynder gwastraff domestig nad yw'n beryglus

Byddwn yn rhoi ystyriaeth i'r broses ymgynghori ac yn cyhoeddi'r rheolau safonol newydd, ar y cyd gyda manylion y broses gwneud cais.

Cynnwys

Crynodeb iii

1	Ynglŷn â'r ymgynghoriad hwn	1
1.1	Yr hyn rydym yn ymgynghori amdano	1
1.2	Yr hyn mae'r ymgynghoriad hwn yn ei olygu i chi	1
2	Trwyddedau safonol – sut maent yn gweithio	2
2.1	Beth yw trwydded safonol?	2
2.2	Beth yw'r rheolau safonol?	3
2.3	Yr asesiad risg generig ar gyfer y gweithgaredd hwn	4
3.	Setiau o reolau diwygiedig arfaethedig	5
3.1	Pam rydym yn newid y setiau o reolau	5
4	Cwestiynau ymgynghori	6
6	Ymateb i'r ymgynghoriad hwn	7

1 Ynglŷn â'r ymgynghoriad hwn

Dogfen eglurhaol yw hon sy'n rhoi braslun o'r dogfennau rydym yn ymgynghori amdanynt yn ogystal â throsolwg o'r broses drwyddedu safonol. Mae wedi'i chynllunio i'ch helpu i'w deall a gwneud sylwadau arnynt.

1.1 Yr hyn rydym yn ymgynghori amdano

Mae'r Rheoliadau Trwyddedu Amgylcheddol yn ein galluogi i ddatblygu ac adolygu rheolau safonol ar gyfer rhai gweithredoedd penodol. Rydym yn eu seilio ar ein dealltwriaeth o risg. Rydym yn gofyn am eich barn ynghylch p'un a ydym wedi canfod y risgiau tân sylweddol a ph'un a yw'r setiau newydd o reolau yn briodol i ymdopi â'r risgiau hyn sydd wedi cael eu nodi.

Mae'r ymgynghoriad yn ymwneud â'r dogfennau canlynol yn bennaf:

Asesiadau Risg Generig

Mae'r rhain yn disgrifio'r risgiau mae pob math o weithgaredd yn eu hachosi i'r amgylchedd ac iechyd dynol a'r ffyrdd y gellir rheoli'r risgiau hyn. Maent yn diffinio'r terfynau risg y gellir eu rheoleiddio drwy ddefnyddio dulliau rheoli cyffredin, wrth barhau i amddiffyn yr amgylchedd hyd at lefel uchel.

Setiau o reolau safonol

Mae'r rhain yn cynnwys yr holl reolau sy'n angenrheidiol er mwyn sicrhau bod y risgiau i'r amgylchedd ac iechyd dynol yn cael eu lleihau hyd at lefel dderbyniol ar gyfer pob un o'r gweithgareddau a restrwyd.

Rydym yn bwriadu llunio diwygiadau i 21 o asesiadau risg generig presennol a setiau o reolau safonol ar gyfer safleoedd sy'n storio gwastraff llosgadwy neu'n ei drin. Bydd y rhain yn berthnasol i weithredoedd presennol a drwyddedir. Bydd y rhain yn cael eu drychweddu gan 21 setiau o reolau safonol newydd (gyda'r un asesiadau risg generig a fydd yn berthnasol ar gyfer gweithredoedd a drwyddedir ar ôl canol y flwyddyn 2015).

1.2 Yr hyn mae'r ymgynghoriad hwn yn ei olygu i chi

Rydym yn credu y bydd yr ymgynghoriad hwn o ddiddordeb penodol i'r canlynol:

Gweithredwyr, cymdeithasau masnach, ffermwyr a busnesau: dyma'ch cyfle i sicrhau bod y rheolau yn gweithio i chi a'ch diwydiant a hefyd yn darparu'r diogelwch angenrheidiol i'r amgylchedd ac iechyd dynol. Hoffem dderbyn unrhyw awgrymiadau sydd gennych er mwyn ymestyn y nifer o endidau a fydd yn dilyn y rheolau presennol a rhagor o setiau o reolau yn y dyfodol.

Rheoleiddwyr eraill, y cyhoedd, grwpiau cymunedol a sefydliadau anllywodraethol sydd â diddordeb mewn materion amgylcheddol: dyma'ch cyfle i sicrhau bod y rheolau'n gweithio i ddarparu'r diogelwch angenrheidiol i'r amgylchedd ac iechyd dynol, ac ar yr un pryd yn parhau i fod yn ddefnyddiol i'r diwydiant.

2 Trwyddedau safonol – sut maent yn gweithio

2.1 Beth yw trwydded safonol?

Mae **trwyddedau safonol** yn cynnwys un amod, sy'n cyfeirio at set sefydlog (neu setiau) o reolau safonol y mae'n rhaid i weithredwr gydymffurfio â nhw. Mae'r rheolau safonol yn diffinio'r gweithgareddau mae gweithredwr yn gallu eu gwneud ac yn nodi cyfyngiadau angenrheidiol ar y gweithgareddau hynny, megis cyfyngiadau ar allyriadau neu'r mathau o wastraff neu ddeunydd crai y gellir eu derbyn ar y safle. Cyhoeddir rheolau safonol ar Gov.UK yn dilyn y broses o ymgynghori cyhoeddus. Dyma'r deuddegfed ymgynghoriad o'r fath.

Mae gweithredwr sy'n dymuno ymgymryd â gweithgaredd penodol yn gallu edrych ar y rheolau safonol ac, os byddant yn gallu cydymffurfio â nhw, mae'n bosib y byddant yn penderfynu gwneud cais am drwydded safonol. Rydym yn gallu cyflwyno'r drwydded yn gyflymach ac yn rhatach oherwydd nad oes gennym benderfyniadau i'w gwneud ynglŷn ag amodau sy'n benodol i safleoedd. Mae'n rhaid i weithredwr na all ddiwallu anghenion y rheolau safonol wneud cais am **drwydded bwrpasol** a darparu gwybodaeth ychwanegol inni. Mae'n cymryd mwy o amser inni gyflwyno trwydded bwrpasol oherwydd bod rhaid inni gynnal asesiad mwy manwl o'r cais, a phenderfynu a fyddwn yn cynnwys amodau penodol ar gyfer y safle ac yn ymgynghori yn unol â'n datganiad ar gyfranogiad y cyhoedd. ¹

Nid oes gennych hawl i apelio yn erbyn y rheolau mewn trwydded safonol oherwydd bod y weithred o wneud cais am drwydded safonol yn wirfoddol. Os yw gweithredwr yn dymuno newid y ffordd mae'r safle yn gweithredu er mwyn iddo weithredu y tu allan i gwmpas y rheolau safonol neu mae'n teimlo nad yw'r drwydded safonol yn gweithio bellach ar gyfer ei weithgaredd penodol, mae'n rhaid gwneud cais i newid i drwydded bwrpasol.

Mae'n rhaid i weithredwyr wneud cais am drwydded bwrpasol ar gyfer unrhyw weithgareddau a reoleiddir nad ydynt wedi cynnwys yn y rheolau safonol. Yn gyffredinol, mae'r gweithgareddau hyn yn cael effaith fwy sylweddol ar yr amgylchedd neu mae angen system reoli fwy cymhleth arnynt na'r gweithrediadau y gellid defnyddio rheolau safonol ar eu cyfer.

Caiff trwyddedau Rheolau Safonol eu cyflwyno dim ond mewn achos lle mae gan y cyfleuster a reoleiddir un person cyfreithiol penodol fel gweithredwr. Diffinnir y gair 'Gweithredwr' yn Rheoliad 7 o'r Rheoliadau Trwyddedu Amgylcheddol fel yr unigolyn sydd â rheolaeth dros weithrediad cyfleuster a reoleiddir. Os nid yw cyfleuster a reoleiddir wedi cael ei wneud yn weithredol, y person a fydd â rheolaeth drosto pan fydd yn weithredol yw'r gweithredwr.

Y peth pwysig wrth benderfynu a yw rhywun yn weithredwr cyfleuster a reoleiddir yw p'un a yw'n gallu cadw rheolaeth dros ei weithrediad. Mae'n rhaid iddo ddangos bod ganddo'r awdurdod a'r gallu i sicrhau cydymffurfiaid â'r Drwydded Amgylcheddol.

¹ Gweithio gyda'n gilydd: eich rôl yn ein gwaith o benderfynu ar drwyddedu amgylcheddol, Fersiwn 2.

Wrth asesu a oes gan y gweithredwr (neu weithredwr arfaethedig) yr awdurdod a'r gallu, rydym yn ystyried y ffactorau canlynol yn ogystal â rhai eraill.

A oes gan y gweithredwr/gweithredwr arfaethedig yr awdurdod a'r gallu i wneud y canlynol:

- 1) rheoli gweithrediadau ar y safle drwy reoli gweithrediadau'r gwaith o ddydd i ddydd, gan gynnwys dull a chyflymder y gwaith
- 2) sicrhau bod cydymffurfiad effeithiol ag amodau'r drwydded
- 3) penderfynu pwy fydd yn dal y swyddi allweddol a diswyddo aelodau staff sy'n anghymwys
- 4) gwneud penderfyniadau buddsoddi a/neu benderfyniadau ariannol eraill sy'n effeithio ar berfformiad y cyfleuster
- 5) sicrhau bod gweithgareddau a reoleiddir yn cael eu rheoli'n briodol mewn argyfwng.

Gall perchennog safle barhau i fod y gweithredwr yn ogystal â dal y drwydded lle mae'n gosod contract ar gyfer gweithgareddau cyn belled â'i fod yn parhau i gymryd cyfrifoldeb ac yn ymgymryd â goruchwyliaeth ddigonol.

2.2 Beth yw'r rheolau safonol?

Wrth ddatblygu setiau o **reolau safonol**, rydym yn cynnal un asesiad o risg ar gyfer gweithgarwch a wneir yn aml. Mae hyn yn ein galluogi i ddiffinio'r terfynau risg y gellir defnyddio'r rheolau oddi mewn iddynt. Mae'r terfynau risg hyn yn cynnwys nifer o gyfyngiadau megis maint, lleoliad a'r gwaith o reoli'r gweithrediadau. Y cyfyngiadau hyn fydd y rhai angenrheidiol i alluogi set gyson o reolau i leihau'r risg hyd at lefel dderbyniol. Byddai'r rheolau yr un peth ar gyfer pob gweithredwr sy'n ymgymryd â'r weithred benodol honno, waeth ble mae'r lleoliad. Mae rheolau ac asesiadau risg yn cael eu cyhoeddi ymlaen llaw er mwyn i weithredwyr a'r cyhoedd wybod yn union pa reolau byddwn yn eu gweithredu i weithgaredd arfaethedig.

Wrth ddatblygu'r terfynau risg ar gyfer pob set o reolau safonol, mae'n rhaid inni ddiogelu ansawdd amgylcheddol rhai derbynyddion sensitif penodol. Er enghraifft, mae'n bosibl bydd rheolau safonol yn cynnwys rheol sy'n mynnu peidio ag ymgymryd â gweithgaredd o fewn pellter penodol oddi wrth rai mathau o safleoedd gwarchod natur dynodedig, megis safleoedd Ewropeaidd.²

Nid yw'r rheolau ar gyfer rhai gweithrediadau yn caniatáu ymgymryd â gweithgareddau o fewn pellter penodol oddi wrth gwrs dŵr neu barth diogelu tarddiad dŵr daear. Bydd angen i weithredwyr wirio bod eu gweithgaredd yn cyd-fynd â'r rheolau cyn gwneud cais. Os bydd newid yn yr amgylchiadau lleol ar ôl i'r drwydded gael ei chyflwyno i'r fath raddau na fydd y gweithrediad yn cyd-fynd â'r rheolau safonol bellach (er enghraifft, dynodir safle cadwraeth o fewn y pellter sgrinio a nodwyd) , mae'n bosibl y bydd angen i weithredwr uwchraddio'r gweithrediad er mwyn cynnal lefelau amddiffyn neu wneud cais i newid i drwydded bwrpasol.

²Ardal Cadwraeth Arbennig, neu ymgeisydd amdani, ac Ardal Gwarchodaeth Arbennig, neu un arfaethedig, yng Nghymru a Lloegr. At ddibenion y rheolau safonol, mae safle Ramsar yn cael ei ystyried yn safle Ewropeaidd.

Rydym wedi seilio'r rhan fwyaf o'n rheolau ar yr amcanion mae angen eu cyflawni. Maent yn nodi'r **hyn** rydym am i weithredwyr ei gyflawni, ond nid ydynt yn dweud wrthynt am **sut** i'w gyflawni. Eu cyfrifoldeb hwythau yw hwnnw. Nid yw'r dull hwn yn newydd ac roedd yn cael ei ddefnyddio mewn trefniadau blaenorol megis caniatadau gollyngiadau o ran ansawdd dŵr, trwyddedu gweithgareddau rheoli gwastraff, atal a rheoli llygredd, a rheoleiddio sylweddau ymbelydrol. Darperir canllawiau ar sut i gydymffurfio â'r rheolau rydym eisoes wedi'u cyhoeddi yn '**Sut i gydymffurfio â'ch trwydded amgylcheddol**', sydd ar gael ar gwenfan NRW

2.3 Yr asesiad risg generig ar gyfer y gweithgaredd hwn

Rydym wedi paratoi asesiad generig risg ar gyfer yr asesiad hwn. Mae'r asesiad yn diffinio'r terfynau risg y gellir eu rheoleiddio drwy ddulliau rheoli cyffredin a sut i reoli'r risgiau'n briodol. Mae'r asesiad risg wedi cael ei gynnal gan ddefnyddio'r dull "tarddiad – llwybr – derbynnydd". Mae'r asesiad risg wedi'i rannu'n dair adran fras:

1. Data a gwybodaeth – mae'r adran hon yn cynnwys gwybodaeth am y derbynnydd, y tarddiad, y difrod a'r llwybr sy'n berthnasol i'r gweithgaredd o dan sylw.

2. Dyfarniad – rydym wedi cynnal yr asesiad risg i benderfynu ar y tebygolrwydd y bydd y derbynnyddion yn agored i'r perygl, i ganlyniadau'r perygl a fydd yn digwydd, a maint cyffredinol y risg.

3. Cam gweithredu – bydd risgiau yn cael eu rheoli drwy osod rheolau safonol. Yn yr achos rheoli risgiau tân, bydd hyn yn cynnwys llunio cynllun atal tân cymeradwy. Byddwn yn rheoli gweddill y risgiau drwy gynnal asesiadau cydymffurfio, megis arolygiadau safle, er mwyn sicrhau bod gweithredwyr yn dilyn gofynion y cynllun.

Fel y crybwyllwyd yn gynt, mae'n bosibl y bydd set o reolau safonol yn cynnwys rheol sy'n mynnu nad yw gweithgareddau yn cael eu cynnal o fewn pellter penodol o fathau o safleoedd gwarchod natur dynodedig. Mae sensitifrwydd cyffredinol cynefinoedd a grwpiau o rywogaethau i'r peryglon posibl oddi wrth gyfleusterau a reoleiddir gennym drwy'r Rheoliadau Trwyddedu Amgylcheddol yn hysbys iawn. Gall difrod ddigwydd drwy beryglon megis llygriad gwenwynig, cyfoethogiad maethynnau, colli cynefinoedd, y broses siltio, y broses mygu, aflonyddu ac ysglyfaethu.

Mae'r rheolau pellter yn ein galluogi i hidlo allan y gweithgareddau na allent gael effaith ar nodweddion diddordeb y safleoedd a'r rhywogaethau hyn. Mae hyn yn rhan o'r terfynau risg cyffredinol ar gyfer pob gweithgaredd ac yn angenrheidiol oherwydd ni fyddwn yn ymgynghori â'r cyrff gwarchod natur o ran ceisiadau unigol ar gyfer trwyddedau safonol, yn unol â'n datganiad ar gyfranogiad y cyhoedd.

3. Setiau o reolau diwygiedig arfaethedig

3.1 Pam rydym yn newid y setiau o reolau

Mae angen inni adolygu'r setiau o reolau hyn oherwydd ein bod yn parhau i gael nifer annerbyniol o danau ar safleoedd trwyddedig sy'n storio neu'n trin gwastraff. Mae'r adolygiadau hyn yn bwriadu lleihau'r risgiau o danau yn dechrau a chyfyngu ar y difrod i'r amgylchedd ac iechyd dynol pan fydd tanau'n digwydd.

Mae angen inni weithredu dulliau diogelu newydd er mwyn sicrhau bod y risg o danau'n dechrau mewn gwastraff mor isel â phosibl yn y lle cyntaf a phan fydd tanau'n dechrau bod eu graddfa a'u heffaith yn cael eu lleihau.

Mae'r dulliau diogelu newydd hyn yn deillio o ganllaw newydd Cyfoeth Naturiol Cymru a gyhoeddwyd yn 2016: 'Canllawiau Cynllun Atal a Lliniaru Tân – Gwastraff'. Mae'r canllawiau hyn yn nodi'r safonau gofynnol ar gyfer atal tân mae'n rhaid eu mabwysiadu ar y fath safleoedd.

Mae holl setiau o reolau'r Drwydded Safonol a restrwyd yn yr adran Crynodeb yn ymwneud â safleoedd sy'n trin deunyddiau llosgadwy.

Rydym yn bwriadu cyflwyno'r amodau newydd canlynol i'r setiau o reolau hyn gan fynnu eu bod yn cydymffurfio â'r safonau a nodwyd yng nghanllawiau Cyfoeth Naturiol Cymru ar gyfer atal tân:

Bydd y gweithredwr yn rheoli a gweithredu'r gweithgareddau yn unol â chynllun atal tân ysgrifenedig gan ddefnyddio'r canllawiau cynlluniau atal tân presennol sy'n berthnasol.

Bydd y gweithredwr yn gwneud y canlynol:

(a) os bydd yn cael ei hysbysu gan Gyfoeth Naturiol Cymru y gallai'r gweithgareddau achosi risg o dân, bydd yn cyflwyno cynllun atal tân i Gyfoeth Naturiol Cymru sy'n nodi ac yn lleihau'r risgiau tân;

(b) Gweithredu'r gweithgaredd yn unol â chynllun atal tân, oddi ar y dyddiad cyflwyno, oni bai ei bod yn cael ei gytuno yn ysgrifenedig fel arall gan Gyfoeth Naturiol Cymru.

Ni fydd unrhyw newid i gostau presennol ar gyfer unrhyw un o'r trwyddedau hyn.

4 Cwestiynau ymgynghori

Yr ymgynghoriad hwn yw'ch cyfle i gyfrannu tuag at y broses adolygu arfaethedig i'r setiau presennol. Dylid eu cyhoeddi yng nghanol 2016.

Byddem yn croesawu cael eich adborth ar y cwestiynau isod yn benodol:

C1. Ydych chi'n cydnabod yr angen i reoli risg tân ar safleoedd sy'n trin gwastraff llosgadwy drwy lunio cynllun atal tân?

C2. Ar gyfer safleoedd heb adeilad sy'n storio neu'n trin gwastraff llosgadwy, ydy'r amser preswyl tri mis ar gyfer cadw gwastraff ar y safle yn fesur atal tân effeithiol?

C3. Dywedwch wrthym am unrhyw safbwyntiau neu sylwadau eraill sydd gennych o ran y newidiadau hyn rydych yn teimlo y dylem fod yn ymwybodol ohonynt.

6 Ymateb i'r ymgynghoriad hwn

2.2.1 5.1 Dyddiadau pwysig

Bydd yr ymgynghoriad yn tan 23 Rhagfyr 2016

2.2.2 5.2 Sut i ymateb

Gallwch weld y dogfennau a chwestiynau ymgynghori ar-lein ar www.cyfoethnaturiol.cymru. Pe hoffech ofyn i fersiwn printiedig o'r ddogfen gael ei hanfon atoch, cysylltwch â'n Canolfan Gofal Cwsmeriaid drwy e-bost, ffôn neu bost:

E-bost: generalenquiries@naturalresourceswales.gov.uk
Ffôn: 0300 065 3000
Cyfeiriad Post: Cyfoeth Naturiol Cymru, Tŷ Cambria
Heol Casnewydd, Caerdydd, CF24 0T

Gallwch gyflwyno eich ateb drwy e-bost neu lythyr. Anfonwch eich ateb wedi'i gwblhau erbyn 23 Rhagfyr 2016 i'r cyfeiriad uchod.

2.2.3 5.3 Ar gyfer beth bydd yr atebion yn cael eu defnyddio?

Byddwn yn defnyddio'r atebion o'r ymgynghoriad hwn i lywio cynigion i Lywodraeth Cymru. Bydd staff Cyfoeth Naturiol Cymru sy'n ymdrin â'r ymgynghoriad hwn yn gweld yr holl atebion yn llawn.

2.2.4 5.4 Sut byddwn yn defnyddio'ch gwybodaeth

Trwy gydol yr ymgynghoriad, byddwn yn sicrhau bod yr holl sylwadau (ar wahân i wybodaeth bersonol) ar gael yn gyhoeddus ar wefan Cyfoeth Naturiol Cymru. Mae hyn yn cynnwys sylwadau a dderbynnir ar-lein, drwy e-bost, post a thrwy ffacs, oni bai eich bod wedi gofyn yn benodol i'ch ateb gael ei gadw'n gyfrinachol. Dim ond enwau sefydliadau sy'n ateb ac nid unigolion fydd yn cael eu cyhoeddi.

Os byddwch yn ateb ar-lein neu ddarparu cyfeiriad e-bost, byddwn yn cydnabod eich ateb. Ar ôl i'r ymgynghoriad gael ei gau, bydd crynodeb o'r atebion yn cael ei gyhoeddi ar wefan Cyfoeth Naturiol Cymru erbyn diwedd mis Mawrth 2015. Byddwn yn cysylltu â chi er mwyn rhoi gwybod i chi pan fydd hwn ar gael. Byddwch hefyd yn cael eich hysbysu am unrhyw ymgynghoriadau ar fasnau afon sydd ar y gweill oni bai eich bod yn gofyn fel arall.

Yn unol â Deddf Rhyddid Gwybodaeth 2000, mae'n bosibl y bydd yn ofynnol inni gyhoeddi eich ateb yn yr ymgynghoriad hwn, ond ni fydd hwn yn cynnwys unrhyw wybodaeth bersonol. Os byddwch wedi gofyn i'ch ateb gael ei gadw'n gyfrinachol, mae'n dal yn bosibl y bydd yn ofynnol i ni ddarparu crynodeb ohono.